

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



二. 十住 – 忉利天宮

昇須彌山頂品

須彌頂上偈讚品

十住品

梵行品

初發心功德品

明法品



華嚴經昇須彌山頂品之迎佛勝妙殿

合會因果	爾時，如來威神力故，十方一切世界，一一四天下閻浮提中，悉見如來坐於樹下，各有菩薩承佛神力而演說法，靡不自謂恒對於佛。爾時，世尊不離一切菩提樹下，而上昇須彌，向帝釋殿。（不離菩提樹下即住自性地普光明殿）	
（凡夫初入聖位故無菩薩迎佛）	時，天帝釋在妙勝殿前遙見佛來，即以神力莊嚴此殿，置普光明藏師子之座，其座悉以妙寶所成：	
	十千層級迥極莊嚴，	
	十千金網彌覆其上，	
	十千種帳、	
	十千種蓋周迴間列，	
	十千繒綺以為垂帶，	
	十千珠璣周遍交絡，	
	十千衣服敷布座上，	
	十千天子、	
	十千梵王前後圍遶，	
	十千光明而為照耀。	
迎佛入殿	爾時，帝釋奉為如來敷置座已，曲躬合掌，恭敬向佛而作是言：善來世尊！善來善逝！善來如來、應、正等覺！唯願哀愍，處此宮殿！	
十方同入	爾時，世尊即受其請，入妙勝殿；十方一切諸世界中，悉亦如是。	
憶念說讚	爾時，帝釋以佛神力，諸宮殿中所有樂音自然止息，即自憶念過去佛所種諸善根而說頌言：	
往昔十住位十佛	佛	迦葉如來具大悲，諸吉祥中最無上，彼佛曾來入此殿，是故此處最吉祥
	法	拘那牟尼見無礙，諸吉祥中最無上，彼佛曾來入此殿，是故此處最吉祥
	僧	迦羅鳩馱如金山，諸吉祥中最無上，彼佛曾來入此殿，是故此處最吉祥
	精進	毘舍浮佛無三垢，諸吉祥中最無上，彼佛曾來入此殿，是故此處最吉祥
	禪定	尸棄如來離分別，諸吉祥中最無上，彼佛曾來入此殿，是故此處最吉祥
	般若	毘婆尸佛如滿月，諸吉祥中最無上，彼佛曾來入此殿，是故此處最吉祥
	方便	弗沙明達第一義，諸吉祥中最無上，彼佛曾來入此殿，是故此處最吉祥
	願	提舍如來辯無礙，諸吉祥中最無上，彼佛曾來入此殿，是故此處最吉祥
	力	波頭摩佛淨無垢，諸吉祥中最無上，彼佛曾來入此殿，是故此處最吉祥
	智	然燈如來大光明，諸吉祥中最無上，彼佛曾來入此殿，是故此處最吉祥
十方同入	如此世界中，忉利天王以如來神力故，偈讚十佛所有功德；十方世界諸釋天王，悉亦如是讚佛功德。爾時，世尊入妙勝殿，結跏趺坐。此殿忽然廣博寬容，如其天眾諸所住處；十方世界，悉亦如是。	